

**2024
LOTHA****Total Marks: 80****Time: 3 hours****General instructions:**

- i) *Approximately 15 minutes is allotted to read the question paper and revise the answers.*
 - ii) *The question paper consists of 20 questions divided into 4 sections A, B, C & D.*
 - iii) *Attempt questions based on specific instructions for each part. Write the correct number in your answer sheet to indicate the option/s being attempted.*
 - iv) *General and Internal choice have been provided in some questions.*
- N.B:** *Check that all pages of the question paper is complete as indicated on the top left side.*

CHIRO – A (Ekhao)**1. Motsü shi khae zesi oküpoengao jiang janlana :**

1. Nkolo eran reni oyan motsünga, lo ompoe vancho. Osi onina tsolo tsüka tsokhying tsüka to tae vana ompoe hata chüi siracho. Küma ompayi ji elümoto emhok-nungra sükhyingo tssoe sicho. Tolia ota jina oka ji heto ezocho. Aka Apo ha Ayo onina mpa esisi yi-silia ntia ntssoka to phyota vancho. Osi tsüngon motsüngalo jo oka jina ota ji, “Ata enio ntio tsotavü meka eni ha oli terivü tae lia jontavüka” to ezoa jontacho. Küma tsüngona lo jo ompayi na oli wotale ochona sana oni li ji joni licho. Hoji tsükona otana oyan jilo oki akvü ntena Aka eni li ji ejonicho alo to engathechia wocho. Tole oki akvüna e-li tia nkhyovü vanka ena meka to janlancho. Tolia hojito ompayi li ji ochona sana joni tae licho.

2. Küma tsüngonalo jo otana oka thüngi “Aka eni li ji ochoang na ejonia sana owo chetavü ka to ezoa owo cheta vanle, Opo ha Oyo onina echü-lina Chiro oni li ji, Aka ha Ango oni li shiji lichung ero to ti-ntayile” to okhen nsia khfüta jonta vancho. Hoji süi jo onina heto phyotacho, “Aka okhanalia nino Ayo sükhümjo jilo tsokthe khe, ayio Apo sükhümjo jilo tsokthevü ka” to ezocho. Osi onina cheta vantasi mmyuale oka jo oyo sükhümjo jilo tsokthele sükhümjo ji nri küma elachoe sicho. Osi Opo jo sükhümjo ji ericho saküma ntia ntssona echülikvüi sosi rheyicho. Hojitolyui oka ji ompvüti tssoe sio jina elümoto nungra-tsünga, Ayio apoti ka je, Ata jo echü-likvüi Apo ha Ayo oni phana rheyithaka je to phyoa ompvüti yingsüyingloa vancho. Hoji esüa otana ha oka ji nchümi zesi elümoto nungra nchümcho. Osi ombona opo thüngi ayio nchüngo chümpoe yipvüka to phyole opo na Ango chümpoe jo nikyuvüka chongo tiyipa to ezocho. Tole ngaro jina ntia ntssoka to ezoa chümpoe chongocho. Osi ombona chümpoe echüi jiang na bhari, loksa tükta okhen nsita vamo jiang zeta vancho. Osi müngale peno kümkhani Tvü...Tvü...to khfüta kokhüng jiang lo pyakae yiprae sirasi omboti kümi siajo elümoto ombo kyua opo thüngi yile, opona ana ni ezontsachola nibobo yanchoka to ezocho.

3. Osi ochyua enyathüng to jo opo ha oyo onina live tona woko chü tona hono chü to tseni pia, heto ezochö “Echüi tona eküm to zükhfü lio ji yakchi sanati lanpei tsokhe” to ezochö echüi metae na eküm metae chiyitokcho. Tole ombona otsotso ntio kvüvü tseni apicho sana to nchüma zehüngo ji tsükona echüi metae na lanpei zelee live tona woko chü, hono chü to tae tssocho. Küma elani tsenlani hansi eküm metae na chiyi lanpei zelee otsi tona wokoso, honoso to tssoajo olanina tsosi oka thüngi oyi, “Aka echüi metae jo nmhonka enina vana evamo eküm meta shilo mmhomoka” to rüa ezochö to motsü rütala.

Engoa shiang akvülo elamo ji ethüngi erana:

4x1=4

- (a) Sükhümjo jo _____ ha tona hanala.
- (i) eboe (ii) eloe
(iii) eboe ha eloe (iv) eran na
- (b) ‘Ompayi’ shi yichak jo wopan ji lo.
- (i) Eboe tsüka tona eloe tsüka to
(ii) Eboe nchyu eni
(iii) Eloe nchyu eni
(iv) Opo tona otsoe to
- (c) ‘Nkolo’ shi yichak jo
- (i) Enhünga (ii) Yithako jilo
(iii) Yuta yithako ji lo (iv) Eranmoreni
- (d) Yitsüng ‘loksa’ shi jo
- (i) Tssoyioyi (ii) Myingthong
(iii) Tepfüyi (iv) myingtsayi
- (e) Ompayi lo ha ocho na opo sükhümjo lo tsokthecho la? **1**
- (f) Ompayi li ji ochoang na joni vayicho la? **1**
- (g) Ompayi lo ha ntio tsso ji na eloeroro ji na nungracho la? **1**
- (h) Echüi jiang na müngale ntio kümkhani sicho la? **1**
- (i) Opo ha opvü oni na tsokhying ji thüngi ntio ntio tseni picho sana erana. **1**
- (j) Motsü ji yizen ji erana. **1**

CHIRO – B (Eramo)

2. **Oküpoe pi elio jiang lo na ni lümcho motsünga (1) yitsüng 150-200 na epemo erana:**

a. Yiphongran: Püngnoe etümthae nchyua (An Ideal Teacher)

Mekana

6

b. Thyutasanta/jantasanta shi erana:

Nio Ekhyo/Ekhyolo. Nipo jo Lotha osi niyo jo jipopoe. Hoji tsükona niyo nini Oyo yi (mother tongue) jijo kvütata opvü sana chakcheta thyutasantao ji erana.

3. **Oküpoe pi elio jiang lona ni lümcho motsünga erana:**

a. **Yiren pio elio shi khae zesi elanchoe eranchoa (copy-editing):**

Oküm nzyu tsunglan eng ezhü ethük osi vanlanyilan tongphia yio ji yikchia, oküm jiang ha tongphia la. Hoji lo tsunglan eng ezhü ethük osi vanlanyilan tongphia yio ji aphan na nzyua ji lo oküm mezhü, tsüngkhying, nzyu, vamo, tona etssük to chitae vanlanyilantala.

Mekana

4

b. **Etsa kako yitsüng 50 harüma erana:**

Nio khapheni khvüringashü lo esopvüi ji. Khaphen kvütata licho sana nchüküm nzyu jo zhütüngshi (football) nshütaji, nte khapheni na nshütav tsükona khapheni kvüri jiang thüngi etsa kako erana.

CHIRO – C (Lothayi Nsanlan)

4. **Shiang janlana:**

a. **Etümtokyi olan jiang lona mezhü erana.**

2

b. **Ntio eyieton sana erana:**

1+1=2

- (i) Ombo na a enga lia ana jo nvani
- (ii) Olani rümphia wotav kalo

c. **Yitsünga tae na janlana:**

1+1=2

- (i) Nti lona ha khetitacho nlio tsütsailan
- (ii) Hepiwoe la mek hepiwoe la mek to yuta lo pephia evamo jiang.

5. **Etssyuchi epio ji ephan janlana:**

a. Ombo ha ete yamo alo? (*Yiren shi yintip kümtoka*)

1

b. Ayio ombo _____ elhi tsoala. (*Mhachungyi khi pyingtoka*)

1

c. Shijo nonghori mmhom nchyua. (*Tüngsochioyi kümtoka*)

1

d. Yitsüng ‘ezüp’ shina past tense tona future tense to kümtoka.

1

e. Yitsüng ‘ethünga’ shi yichak esütao tvü pia.

1

f. Ompvü na osü shiang tükcho. (*Owon tongphia*)

1

6. **Yiren shiang Lothayi na khophia:**

3

Saramati is the highest peak in Nagaland. Snow clad throughout winter and located on the Nagaland – Myanmar border, it traces a beautiful climb dotted with Rhododendrons along its path. Saramati is a three day trek from either Pungro or Salomi.

CHIRO – D (Motsüran Ekhao)

7. **Engao shiang akvü lona elamo ji ethüing erana:** **4x1=4**
- a. Jübonlo jo chüchen kvüta chücho la?
(i) Ethüm (ii) Eni
(iii) Yenjoa (iv) Mezhi
- b. Ntio choro nzyu lo Geneva lona sanrhyu ovüngo ji khitacho la ?
(i) Rongorongi, 1683 (ii) Rongorongi, 1853
(iii) Rongorongi, 1863 (iv) Rongorongi, 1963
- c. Albatross jo ntio la?
(i) Ngotsü (ii) Orae ekümrümo
(iii) Worotsü (iv) Oshyu
- d. Amminadab opo jo ocho la?
(i) Nashon (ii) Ram
(iii) Salman (iv) Herson
8. Ronald Ross na elhi tsüphov tsothako ji tsükona tssayimyingthüng osi thanthüng pio jiang lona eni erana. **2**
9. Henry Dunant na kvütolyui ritso lo tssatsoe vamo jiang nzanchicho la? **2**
10. “Ana phe to phechi nte piv khatolia.” Shi jo ocho na ochoang ezochi la? Ntio phe to phechi onte piv ezochi la? Osi ntio man phechi piv ezochi la? **1+1+1=3**
11. **a.** Nkoloreni jo loroe jo kvüto loji longata rocho sana erana. **4**
Mekana
- b.** Ronald Ross na ombo nonghothüng nchümchekhoko jiang erana.
12. **a.** *A tsolov ni tsükona ni tsochyuva tvü, ana oki motsünga ni yaniv ekhyo ni ntssoyiv ke?*
(i) Yiren shi jo ocho na phyochi la? **1**
(ii) Boaz na kvütolyui Ruth soa vancho sana erana. **4**
Mekana
- b.** *Ntio tssona ete echungo ekhyoekhiung elhi mmhom panthia evamo jiang ntsütsata na, sasi na tsorotokvü ekachi onte siv la?*
(i) Yiren shi jo ocho na phyochi la? **(1)**
(ii) Yiren shi Henry Dunant ekümo rakata erana. **(4)**

Chungiyi

13. **Engao shiang akvülo elamo ji ethüngi janlana:** **2x1=2**
- a. Yamo khyinroe khonben emen lo tsothio jo
- (i) Tizü pofü yenyi fükai
(ii) Tiyi süngro koi khicho
(iii) Tssikya phonglan koi hicho
(iv) shaki tona Phiro to koi hicho
- b. Ponghanro jina ocho püngnocho nzocho la ?
- (i) Opo oyo (ii) Opyae den
(iii) Eramoeden (iv) Opyem omoeden
14. Chungiyi ‘Loroe Kangtsücho Merangcho’ jilo loroe jijo kvütvü tsocho la?
Osi kvülo evan la? **1+1=2**
15. ‘Randan Teriv’ chungiyi jilo okhen engopvüo jina eküm ji ntio lo ejyukata eranchola? **2**
16. **a.** Chungiyi ‘Yihata etsso ji jo etho’ ji lo orae odong motsünga tae ezoa ji tona khosha ezaa ji to kyon ekümo rakata erana. **4**
- Mekana**
- b.** Chungiyi ‘Loroe Kangtsücho Merangcho’ ji lo khyingroe jina loroe ji kvüto ezoa merangcho sana erana.
17. **a.** *Yamo khyingroe rüjüngden to thichei khi,
Yamo loroe wosenden to thichei khi,
Mongjemojü mmhomvü na nchichancho
Yantaro tsoa yicho sayi.
Yiren shiang eroroa.* **5**
- Mekana**
- b.** *Kio opvü na kio opo sochia tsa,
Tsoloyilo na kio opo sochia tsa,
Echümpvü na kio opo sochia tsa,
Ni rünyucho enhiingo zothev kila,
Yamo hanpong khfüa to e randan nia.
Therolani yanthanshanri mmhayi le to a randania.*
- (i) Chungiyi Jancho nzoe shi jo ocho na erancho la? (1)
(ii) Rünyucho to ephyo ji yichak jo ntio la? (1)
(iii) Jancho nzoe ji na opo chü sanati kvüto opo khi randaniv jonjicho la? (2)
(iv) ‘Jancho Nzoe ji na ntio yuta lo lümbüm khophicho la? (1)

Nchümntan Motsü

18. Ntio lanka lona kyon jo ekümrüm lona mmhonkata to Zikao na phyochö la? 2
19. Zikao opvü ha opo onio ntio kvütvü kyon sana erana. 3
20. a. *Zikao na kvüthüng khyocheta yicho sana opvü ha opo oni na mman mmyoe tsotokvü tsükona oyam ngaro pvülo wotokcho.*
- (i) Zikao na nzyu kvüta tssoathüng oyam ngaro pvü lo wochola? 1
- (ii) Ntio tsoo jina ngaro ji opvü opoang na Zikao ji elümoto nzana vantok cho la? 2
- (iii) Ntio yantso ngaro ji pvü opoang na Zikao picho la? Osi oki yiathüng olan ni ntio tsocho la? 2
- Mekana**
- b. *Khapheni woa thüng ekhae thanpo jiang esüa thakzak mozaka vahüngcho. Tolia ombo mpensü elani vanlanyilan jiang zesi lümetsson matarocho.*
- (i) Zikao na ombo nzyu kvüta tsoa thüng khapheni wocho la? (1)
- (ii) Chungiyi lona merangta khitao ji Zikao na vanphen kvütao ji khicho la? (1)
- (iii) Zikao na yantso teriv hungo ji thüng kvüto nchümcho la? (1)
- (iv) Püngnoe jiang na Zikao ji ntio tsoo ji na ekyo erong picho la? (1)
- (v) Mmhona khasi potsow lüm erüng lia tssona ntio küm vü to Zikao na nchümcho la? (1)
